

菅浦集一

詩表賦

真如

~16
2375
1



門牌16
2375
1-4

花浦先生文集序



余既為花浦先生述墓文
矣嗚呼三徑不淪矣九法
不斁矣今其宅相沈使君
廷耆台叟氏以文集若干
卷來屬余為玄晏嗚呼他

影 方 選 卷 八
一
六
作或可為於此作豈可易
為乎以此敬辭則台叟氏
濟然而泣曰此吾先妣志
也先妣手自裒集耿耿蘊
結於心者唯此一事而已
今又不成則吾何以籍手

而上吾母之墓乎余亦潛
然而更思之先生既節支
宇宙名懸日月豈待文字
而徵於千百歲之後乎然
文字之出於先生者則誠
不可泯滅也人心易泯乎

七
二
八

人以下常時豈能存存於
天理民彝哉若見此文字
則必炳然而心明躍然而
心起矣此豈可不傳於人
人哉況今世不徒不慕成
仁就義之事而或見排抑

則並與吳尹二先生而入
人齒牙觀此而猶不革其
見識則此真禽獸也奚足
與言是非哉況台叟氏先
妣之誠孝足使豚魚感動
其有台叟氏也宜矣此尤

可以光扶聖教矣嗚呼慨
世道之益衰懼斯文之愈
斁遂收滄而為之書如此
今 上十三年 贈先生
謚以忠正季輝忠烈成伯
忠貞竹窓李公諱時稷忠

穆洎余從兄宋公時榮忠
顯嗚呼 聖學高明知所
先務如此詖淫邪遁之說
庶幾熄矣嗚呼休哉

屠維大荒落季春上澣
息津宋時烈序

花浦先生遺稿卷之一目錄

五言律詩

效白體次柳同知韻

其二

其三

又次柳同知韻

贈宋公直

朝天時乞棲廣鹿島避地士人李品居品販

酒為生而讀書聲達夜不輟感而題贈

朝天時歷入呂東萊書院廟有塑像拜禮畢

適有六七青衿方聚肄業求詩甚懇題以
示之

送別

江行

失題

積雪驗豐熟

失題

乙亥十月初八日冬享大祭時以堂上執禮

官進參

失題

其二

失題

投壘浦

夜坐

其二

奉呈安時甫未和

敬次瓊韻呈安時甫

朝霧

憶崔猶子

夜坐

思家

憶李友士立

寶山城夜間江上笛聲感而賦之

七言律詩

次柳同知韻

次用申韻

聚遠樓次韻

其二

次申獻之韻

寓懷

朝天時途中遇蜀貢舉數人題贈

苦寒

送人遊錦山

聞奴虜偕號

上栗翁

四事堂

行過醴泉

失題

大行王妃發柩後哀辭

苦雨

新寧竹軒

失題

其二

過醴泉

其二

呈金施普

其二

謝京友金君景亮來過

送邊敬差彥時還洛

孤雲寺看遊山錄

除平壤庚尹西下路梗不得達留漏奴津村

舍書懷

初到寶山城夜吟

曉吟遣懷

正月十五日鷄初鳴遙拜 行宮吟一律

江西縣令送二生魚感賦

聞王師連捷倚闌東望因構一律

慈山守送白蜜救藥用感賦

聞賊兵逼近曉坐得一律

得家信自慰

三月三日在瀋陽悄悄孤吟

五言絕句

賓洞書懷洽遠呼韻

謝人持酒來訪

黃江驛遇雨

七言絕句

用徽師韻因道相思之意

祖殿次退溪先生韻

賓洞書懷洽遠呼韻

客中夜雨聞杜鵑

往拜金沙溪來路上觀燭寺偶吟

花山縣舍看雨中蓮

失題

贈僧

漢陽旅邸九日遇雨

其二

行憇丹陽盤石

夢見天顏

卽事

呈金箴洞

過丹陽入就舊館見壁上有花名感賦
呈趙從事裴仲求和

其二

聞清平二賊撤兵渡海

挽金公起秋

石潭

其二

雜言

和舍弟洽遠題權輝明甫草堂八詠

晚悟堂

喜聞齋

向陽牖

邀月亭

凌霜菊

傲雪竹

歲寒松

臘前梅

花浦先生遺稿卷之一目錄



花浦先生遺稿卷之一

五言律詩

效白體次柳同知韻

何處難忘酒孤懷抱不平
雪霜欺勁節天地小
完名讀古書彭腹居今世
拂情此時無一盞那得破
心兵

其二

歲律已云暮終南霜雪凝
冷厨空土銼踈屋自風
燈天意浮生薄文章遠命
憎清朝為棄物干謁我
何能



其三

鳳殿深如海龍門邃幾層灰心藏獨角袖手縮剛
稜雪虐哀蘭凍風饕覺酒水孤衾騎省卧不耐恨
相仍

又次柳同知韻

幽棲在丘壑端可絕譏哈夜永雞常早春寒燕不
來墻抽兩箇竹窓發數枝梅擬待松醪熟相携把
一杯

贈宋公直

十年南與北四海一心朋講道宵懸帳論文夜點

燈大才真可畏高義願安承更擬攀鴻翼秋風氣
欲增

朝天時乞棲於廣鹿島避地士人李岳居李
岳販酒爲生而讀書聲達夜不輟感而題贈
孤島小如萍問君來幾齡生涯新酒肆世業舊專
經條器朝分蟻安床夜照螢檯眸粉社泣何日掃
塵腥

朝天時歷入呂東萊書院廟有塑像拜禮畢
適有六七青衿方聚肄業求詩甚懇題以示
之

汗竹知名舊祠壇
覽德輝至今遺澤在
當日大鳴歸遠客
魚千里諸生鳥數飛
白紛游北學深愧晚
樞衣

送別

竦耳聞羣議
嗷嗷惜此行
罪言疑聖世
沽直惡賢名
百八關河路
三千嶺海城
都門車幾兩
江樹獨含情

江行

晚着吟鞭去
行行何處先
亂花然峽火
纖草覆汀烟
石走雲移崖
江鳴雨撲舡
飄飄乘逸興
恍若挾

飛仙

失題

小築依山址
深居面水南
早能隨木食
那復見林慚
得月心方靜
眠雲夢已酣
莫言無贈物
瓊草滿春潭

積雪驗豐熟

越犬蒼黃吠
璇虬較鬪雄
積仍牛目厚
高犯鶴棲窮
萬樹看花白
千倉貯米紅
騷人偏識喜
句語頌年豐

失題

嶺外將誰侶天涯又別君客情元自疚歧路况難
分爽氣留江月遐心結峽雲行當投檝去休賦北
山文

乙亥十月初八日冬享大祭時以堂上執禮
官進參

廟樂千年盛時維十月良辰齋教事宿閑習演儀
嘗玉豆豐新物金爐炳舊香君蒿聖孝格 祖考
降洋洋

失題

讀書竟何用文藝屬常貧苦癖成長詠清齋耿乍

眠晚花霜欲破秋樹錦堪憐要得騷人興詩來思
愈鮮

其二

地散寧關事官閑不計負晚衙函印退清晝枕書
眠自信龍懷寶奚爲虎乞憐驪江漁釣約准擬擊
紅鮮

失題

暮入湖中宿秋深海上座舊醅菊綠酒新爨間黃
梁玉膾堆盤雪金盞滿甌香此生徒爲口猶足取
充腸

投堰浦

行行尋遠浦日暮客停軒
益火東西岸漁燈上下
舟居人誇水利篙子習
江謳信羨非吾土歸心
憶某丘

夜坐

撫枕中宵起開簾倚竹
楹海雲成瘴黑蒼月掛
燈明浦潤歸帆杳沙寒
宿鷺驚湖山無限好孤
客獨傷情

其二

踏盡湖西路來登浦上樓
鄉心千里外江月二更

頭鯨沙驅舟進蛟雲蔽海浮
此行多勝賞疑是子長遊

奉呈安時甫求和

挾長非君事忘年敢許吾
經綸同大志書劍共良圖
獻玉期何晚誅鰲計亦迂
寧將遺世意攜手卧西湖

敬次瓊韻呈安時甫

兵戈天未悔構禍屬南蠻
周幣要除亂虞工未格頑
妖氛千里惡土事四年艱
書劍吾無賴鄉園白首還

朝霧

江霧仍嵐氣，頭更白日昏。征人迷去路，歸棹失漁村。豈是弘農術，元非涿野魂。老龍應有意，噓氣護神孫。

憶崔猶子

遠隔崔猶子，千程石硯西。蛩吟梧月苦，鴈入海雲迷。此別魂堪斷，同歸手未攜。相思秋色裏，園草碧萋萋。

夜坐

獨夜窮山裏，孤衾卧二更。洞雲千嶂合，溪月半簾

清螢火穿林，照蛩音入夢。驚家山南望，遠何處是歸程。

思家

遠憶腰巖下，吾廬澗水西。村園橙子老，門巷稻花齊。鱸膾秋期誤，胡塵嶺路迷。中宵時有夢，千里到香閨。

憶李友士立

不見李生久，相思欲白頭。區山書在篋，旅舍客憑樓。渭水三千路，關河百二州。干戈音信阻，懷抱倍悠悠。

寶山城夜聞江上笛聲感而賦之

月黑關河路荒林虎欲行
翹心思國士扶義募鄉
兵默究皇天意艱虞獨夜情
數聲何處笛吹恨滿
江城

七言律詩

次柳同知韻

囂囂浮世近何狹
屏跡荒村避謗哈
好事無人載
酒送生獐有吏索
錢來數行嫩綠低
門柳一樹寒
香發野梅為問湖
翁閑在否攜琴吾
欲共舍杯

次用申韻

老石槎牙殿小西
靄雲深處古壇迷
簷端仙仗龍
猶執檻外孤松鳳
獨棲金萼挿天知
遠岫玉虹驚
壑看長溪青藜當
日誰先我壁上新
詩已品題

聚遠樓次韻

帷底非天十二欄
夢中曾向玉京看
開懷贖着三
千界鬼眼渾無萬
丈山林邑幅負巡
廡角島夷烟
火半簾間憑來况
挾飛仙去却笑年
前極八難

其二

一杖青藜倚彩欄
仙區猶許俗人看
平臨遠近千
尋壑領略高低萬
里山海旭光翻僧
脚底星河影

射客窓間茲遊倘得凌風翰子晉安期遇不難

次申獻之韻

披襟獨倚畫樓西眼入東南萬里迷老栢孤高雪
鶴宿靈湫嵌竇神蛟棲山腰斫竹開斜徑巖下引
流成小溪宇宙從來真逆旅壁間詩句幾回題

寓懷

勲業元來不自期十年詩酒送生涯秋歸野店多
新醞月叩柴門儘故知遊屐已穿跣固好醉巾常
側脫還宜誰能伴我浮家者欲棹孤舟隨所之

朝天時途中遇蜀貢舉數人題贈

巖邑何年始鑿開盤叢杜宇已悠哉烟通栢鬣金
牛出世屬瓜分赤帝來從古艷稱司馬賦卽今誰
是謫仙才諸公此去應題柱早晚高車得得回

苦寒

朔風披攬送寒聲偏入吾茅屋角鳴穿壁亂揉霜
氣逼打窓渾糝雪花明衣稜曲折居奚晏衾鐵凌
兢卧屨更堪恨此時無斗酒獨憐新語凍吟清

送人遊錦山

遊子何之卽錦山我懷嘗在二陵間孤忠此處魂
應結尺劍當時戰不還往事尚隨雲水白血痕都

化野花殷君歸特為重峯吊東海千秋作大開

聞奴虜僭號

盤血紛紛有主謀老臣奚獨抱深羞幸生麟鳳時
和日遲死龍蛇國路秋漠北羗兒輕寶鼎大明
天子按金甌東韓禮義今何處拭玉行人謾叩頭

上栗翁

乘閑深入玉壺天醒石雙眸正瞭然花氣滿庭香
欲霧樹陰籠屋碧凝烟開門輒喜迎珠履列坐何
辭敵錦筵惟是習家饒口業擬將詩酒送餘年

四事堂

連村活畫晚晴天騁望郊原意豁然潦水欲平溪
露石野陰猶駁樹敲烟閑吟客過詩留壁寓與人
歸酒入筵為問小堂何事四可從犀首辦流年

行過醴泉

烏烏短角亂峯晨快馬飛來換眼頻連陌豆花千
畝壠隔溪烟樹幾家隣亭高間見支頭老野關多
蓬灸昔人隨處口碑聞好語使君初政已行仁

失題

世事紛紛浪萬端此間行路古來難相逢逆旅頭
渾雲話到升沈齒更酸湘岸敗蘭春意少漢關霜

草日光寒平生義教還無賴
舐犢恩情已自寬
大行王妃發引後哀辭

羽衛煌煌森且嚴
晨門啓鑰國人臨
朝臣禮制心喪執
世子天彝面墨深
掄沈灑途雲冉冉帶香
移幄月沉沉濯龍牢鎖瑤華暮
宮妾悲啼桑樹陰

苦雨

好雨翻為恠雨來
彼蒼何事不相哀
愆陽赤土童童盡
怒水黃潦浩浩開
野外那堪三日哭
國中如遇九年災
應知玉食無甘味
誰薦玄夷亟展持

新寧竹軒

南來惟得此君軒
蕭灑清陰爽我魂
秋色入庭開鳳食
夜涼生壑動龍孫
淇園氣節風霜勁
渭畝精神雪月痕
移去欲為吟嘯處
自慚無地護孤根

失題

諫書街袖早辭朝
孤鶴歸心掛舊巢
底處菟裘開石室
一邊雲麓帶江郊
青山綠水盟初合
紫綬金章計已拋
惟是浩然今日色
赤憎多口謾啾啾

其一

畏影方知合就陰
白雲何處有山林
彼西湖曲磯猶淨
維杜山中谷益深
看藥女奴能荷鍤
學漁童

子巧盤針一作膏土壘宜糊菜如今欲決歸棲計
其奈傾陽一寸忱

過醴泉

近林時聽子規聲白日初高顥氣清僧老不知曾
宿客塔荒猶記舊題名遨頭綠醕慚多病逸友香
泉學養生良晤一宵真幸耳卷消浮世度殘更

其二

蕉鹿誰藏片夢間白頭歸卧對青山簿書拚得琴
書靜官事何如野事閑蘿逕就荒慵不掃石門雖
設任常關襟期最在晴窓夜十二峯前雪月彎

呈金施普

滿簾斜日夢初回杖屨乘閑上野臺春後綠楊花
作雪雨餘青畝麥成胎鷲投壇樹清陰轉鷺割江
烟晚色來風景此時談笑阻一搏誰與共遲徊

其二

澗流無盡繞溪回綠樹濃陰滿小臺雲霧洞深猿
抱子薜蘿叢密鹿生胎彈碁每引山翁到採藥時
從野圃來最是此間奇絕處夜壇松月影徘徊

謝京友金君景亮來過

白鬚俱變舊時容青眼相驚此日逢邂逅江湖一

杯酒飄零南北十年蹤殊方新臘梅千樹客路遙
岑雪萬重別後柴門還獨掩不知誰復問踈慵

送邊敬差彥時還洛

西郊纔餞會元行壯路淒淒又別情送盡親朋天
一角愁添鬚鬢雪千莖初來邂逅同三友此去追
隨羨二兄安得凌風生羽翰逐君驄馬到秦城

孤雲寺看遊山錄

薄暮歸來就枕遲石門烟月解裝時三春勝踐瑤
臺夢萬里羈心杜宇知天餉可躊留幾首世情堪
叱斂雙眉明朝何處隨塵事空向胡僧結後期

除平壤庶尹西下路梗不得達留漏奴津村

舍書懷

胡騎一夜蹙西京誰是青丘萬里城 廟筭專依
都體府關防還付一書生人烟斷絕惟兵火民氣
蕭條盡死聲孤影杳然 行在隔此來叵耐老臣
情

初到寶山城夜吟

蒼黃啣命下雷封三尺青萍但自從天寶眷人
那送死鬼能扶我竟除兇 龍顏賈隔雲千里鶴
髮孤棲海幾重江上閑城還獨守 廟謨偏及寶

山峯

曉吟遣懷

落月低江水接天孤臣心事曉燈前嬰城鼓角兵
三百匝地干戈路幾千青漢快機今若此 翠華
消息尚茫然深坐達朝垂淚盡澣衣哀血欲成泉
正月十五日鷄初鳴遙拜 行宮懷抱甚惡

吟一律

癡然扶起望 行宮江水滔滔日夜東倉卒未能
踰劍外艱虞應復坐薪中蒼雲荷芥園方急 玉
色臨兵計已窮啼血兩垂遙拜處曉天霜月照孤

忠

江西縣令送二生魚感賦

笥簪腰插有歸人饋我春江白錦鱗吳市慣看仍
感舊楚江邦忍獨嘗新園中禁齋今應窘僻處親
厨已到貧臨食輒忘甘口味悄然羈抱動酸辛

聞 王師連捷倚闌東望因搆一律

蒼雲已解七重圍殘寇游魂盡怛威左次屢聞崩
厥角右賢方豎乞降祈兵聲震壘寧容息號令風
飛立决機遙想即今歌鼓競何人鞍掛月支歸

慈山守送白蜜救藥用感賦

崖蜜誰令病口嘗一團真氣出雲鄉鍊成不啻金丹液搗合寧頰玉杵霜甘味實因終歲苦素精渾帶百花香親厨遠在江南曲反哺孤懷動輒傷

聞賊兵逼近曉坐得一律

戍角烏烏曉月斜浮天魂夢半江華星離骨肉渾何處飄泊妻兒定靡家經國豈無叅 聖術用兵還愧下攘苴輪囷一氣撐胸臆挑盡殘燈撫劔花

得家信賦一律自慰

頓覺家書直萬金忽逢青鳥寶山岑元戎陣壘機徒熟鐵馬關河寇益深穿去始疑行路梗報歸今

得密縫襟開絨拭盡林烏血稍解三春寸草心

三月二日在瀋陽悄悄吟得一律

陽坡細草折新胎孤鳥樊籠意轉哀荆俗踏青心外事錦城浮白夢中來風翻夜石陰山動雪入春澌月窟開飢渴僅能聊縷命百年今日淚盈腮

五言絕句

賓洞書懷洽遠呼韻

纖月二更明子規三兩聲畸人坐歎息多少故園情

謝人持酒來訪

扶策江亭晚故人持酒來寒暄真俗態情事即深
杯

黃江驛遇雨

水驛風霜重郵亭葉正飛江心雲似墨秋雨滿征
衣

七言絕句

用微師韻因道相思之意

幾處雲霞繞筆飛敲枰詩價世知稀十年廬嶽忘
言語窓外含花鳥自歸

祖殿次退溪先生韻

尺杖何年駐殿門幹排瑞砌互盤根誰知白業神
明驗千古猶參造化恩

賓洞書懷洽遠呼韻

獨倚高樓到月明故園回首暗吞聲梁山風雨渾
如許無限林鳥反哺情

客中夜雨聞杜鵑

杜鵑啼血染花叢千里江南一夜紅家在楚鄉歸
不得五更殘夢雨聲中

往拜金沙溪來路上觀燭寺偶吟

丁巳年窺夫子墻蒼松翠竹儼成行如今更踏沙

溪路混混泉源勢益長

花山縣舍看雨中蓮

金碧玲瓏蘸水浮藕花香老小塘秋偏憐急雨明珠滑瀉盡江南萬斛愁

失題

碧落迢迢夜向晨廣寒孤影與誰鄰聲高玉杵眠難着橋斷銀河恨益新

贈僧

晨斫西峯白雲來多情軟語夕陽頽歸時請結閑中約爲報春風早早梅

漢陽旅邸九九遇雨

孤館蕭蕭雨脚長鄉園秋事不能忘黃花白酒無消息客味如今轉覺涼

其二

今朝惆悵負黃花人世何多好事魔有酒家家門可效滿城秋雨欠青葙

行憇丹陽盤石

霜薄林臯澤雉肥花鷹下擊錦文披歸來魚炙金膏泣不羨侯門象白脯

夢見天顏

崢嶸十二玉樓中一朵祥雲夢裏紅
窗外數聲蝴蝶散赤憎嬌鳥在花叢

卽事

林園岑寂隔塵喧獨卧烟朝又日昏
碧草小橋人不渡綠楊深巷掩柴門

呈金箴洞

君家形勝似桃源閑掩陶潛五柳門
香絮滿簾風細細亂鶯啼斷日初昏

過丹陽入就舊館見壁上有花名仍感作此
仙娥星散壁留名舞閣粧樓處處傾
杜子尋芳還

可羨滿枝猶見綠陰成

呈趙從事裴仲求和

前度劉郎得再逢異鄉萍水十年蹤
村園梅柳曾遊處又對秋山錦繡容

裴仲曾寓虎坪時與之同遊故云云

其二

微雨東籬菊欲黃客中佳節近重陽
留君為索墻頭酒王事休言來去忙

聞清平二賊撤兵渡海

七年今始悔猖狂賴有吾皇聖武揚
自是中興恢舊業三韓文物更堂堂

挽金公起秋

共君罹疾半年餘白首吾今獨世居荒草杜陵山下路不堪揮淚送魂車

石潭

老石蒼崖拆幾年峽中從此有窮淵應知三夜秋空月直照龍魂冷不眠

其二

千尋石竇拆何年貯得秋江連夜雨我識其中有卧龍幾時自與風雲遇

雜言

和舍弟洽遠題權輝明甫草堂八詠

晚悟堂

青雲難力致菽水賢五鼎耕桑漁釣送生涯野味還能遂真性

喜聞齋

喜聞者何事竹嘯松濤非獨與耳謀滿堂石友皆忠告主人元是仲由

向陽牖

曝欲獻亦可葵心良不欺悠然正對通明處斗覺中局無曲私

邀月亭

脫巾露髮晴簷暮攜壺惜反景惜反景喚明月冰
輪湧出東山上

凌霜菊

歲云秋矣東籬下青女威稜於我何憊然晉處士
陶潛不肯事劉家

傲雪竹

朔氣聶聶花如席此君不屈玉立乎其間莫須信
伯夷叔齊餓死首陽山

歲寒松

雪霜獨立以為期老蒼無語習君子龍吟虬卧送
日月吐海孤臣寒不死

臘前梅

仁者必有壽老格恒律外和靖先生骨猶香孤山
風味絕蕭灑

花浦先生遺稿卷之一

花浦先生遺稿卷之二目錄

表科體

宋柴詠謝封崇義公給田十頃以奉周祀

漢東平王蒼進受命中興頌

漢朱買臣謝拜會稽太守

賦科體

羸葬

魚腹封齊書

戰勝朝廷

閉閣思過

宇宙一壯窓

剖心明皇嗣

下車哭驥

丙龍負橋

花浦先生遺稿卷之二目錄

花浦先生遺稿卷之二

表科體

擬宋柴詠謝封崇義公給田十頃以奉周祀
 澤不五世斬謾抱追遠之誠祭以十頃田濫承繼
 絕之命再拜恩數九原人間伏念臣宋土愚氓周
 桐冷葉若顛木之有槩抱祭器而徘徊慘故國之
 為墟歌麥秀而馬往良深倚栢之慕不耐寸草之
 心空山風雨之幾年俗節香火之無日豺獺尚知
 報本可以人而不如雞犬未能逮亡耻為子之無
 狀秋風茂陵之血淚暮雲蒼梧之哀思何圖聖朝

之宏規特念宗祏之大泯爵與之縻爾旣村曰崇
義公田何不腆哉更昨以奉祀土尊侯伯子男之
列割衍沃膏腴之良擁節旄而言歸奚啻印纁綬
若遵隴畝而載作足辦籜合稷馨月會旬修庶謹
璋規之禮冬嘗夏禘可慰王食之魂非徒錦衣之
是榮寔感饑饉之重濯昔在天子孫也忽被封植
之新卒爲亡國鬼歟得免若教之餒恩深存沒銘
骨如何感極幽明稽首而已誠一時之異典攷萬
代而稀倫文帝置夏屏世多稱者武王存殷祀史
美傳之古有二焉今乃三矣茲蓋伏遇皇帝陛下

心存興滅禮貴尊賢起久廢之支餘大恩不止於
二代軫諸神而合謨聖澤恒洽於仲春至今寓公
之殘孫深荷聖世之鼎渥臣敢不丹心向旭白馬
來朝金橫帶於日邊永願從大夫之後繡有恒於
秋令庶莫違伊耆之時

擬漢東平王蒼進受命中興頌

功烈若是鬼馬丕闡中興之慶頌聲不可闕也蓋
揚上天之休同四海之謳歌獻數闕之俚語欽惟
皇帝陛下赤劉之九黃炎可三起白水而符真祥
高趾斗披絳衣而鎮衆朕載南陽項綠白馬之盟

寒久致紫蠅之位閔金甌血污蒼茫黃霧之山川
玉豆塵凝寂寞清廟之黍稷朱虛已死倘賴盤石
之宗赤社爲墟敢稔挑芻之惡風埃匝起顧瞻烏
而誰家黃鉞來遲驚逸鹿之在野何幸許天之悔
禍忽覩周旭之騰輝九穗嘉禾潛叶赤伏之瑞五
彩異氣噓成火德之禎紫烟重浮沛上之父老告
夢彤雲再聚關外之士女瞻儀霜吹劔花卽腐元
兇之內風轉旗脚快掃羣醜之腥立見皇業之升
平永致妖氛之斗豁銀河洗甲縮犀文而深藏璇
極橫庚撫鴻寶而高拱雲臺圖畫耀星宿之新躔

玄牝馨香反昭穆之舊列宏名偉績署銀繩於閭
丘武緯文經禿椽筆於史氏肆演答陽之大義敢
效禱日之微忱測海量河詎合傾蠡之酌摹天繪
日顧慚側管之窺揚微擗毫和卿雲之古曲發德
振藻採擊壤之遺音炳炳然如揭日星洋洋乎可
被金石伏念臣今王之子舊日家人剪碧桐而東
歸有何底績包白茅而吐貢實切朝宗屬茲聖主
之龍興可啗公族之雅頌柱摧鼇極方看鍊石之
功水夾龍門始識導海之烈維其駁命烜赫是以
虎拜掄揚苟形容一一明言雖滅死萬萬無恨河

間王之禮樂縱愧三千尹吉甫之聲詩庶贊五百
擬漢朱買臣謝拜會稽太守

不去其鄉爲法嘗慕錦衣之還使守此土治民忽
叨紫綬之赴三生鈴閣一夢瑤臺伏念臣朱愚者
流赤貧不業朋無善結誰憐范叔之寒妻不下機
自恨蘇秦之困甘心忍辱而白守無意致步於青
雲一朝奮然抱短策而馬往千里不遠曳長裾而
歸來何幸拂拭之恩光引置近密之清禁出入青
瑣何似擔簦之年優遊紫霄已酬題柱之志不料
謬托之荐加更承名宦之稠疊出宰百里奚但列

宿之躔富歸故鄉獲遂不夜之計此是無前古之
異數實惟聖天子之特恩雙鳧乍舉影入某丘之
風烟五馬申驅光增舊社之雲物江山作態頓解
待主之情草木皆欣無非感我之色紆銅章而銘
骨撫檐帷而兢魂騎竹兒童驚賤薄於昔去填街
父老倍悅慕於今逢衆庶趨風是丈夫遇知用力
親戚聚敬見季子位高金多本無左右之先容奚
有聖明之寵擢矧茲會稽之爲邑方屬桴鼓之累
鳴當復如蒼生何旣軫伏戎于莽一以爲赤子矣
必得治劇之才臣何敢當賢者然後茲蓋伏遇皇

帝陛下濕迎狀足毋擬稽頭許揚漢之還鄉命誇
印纍綬若使相如於巴蜀別致肉阜酒泉遂令負
弩之榮輝今及鏤冰之冷跡臣敢不永謝愚婦自
對故人以官爲家矢盡公私之給愛民如子敢憚
撫字之勞

賦科體

羸葬賦

有爲南華之言者日月珠璣天地棺槨甘心螻食
寧但捺落葬下可以侈吾鞠厥子而羸之乃速朽
之素志豈襄事之無財蹟夫虹垂薛金家累千金

一生窮樂萬具海舍飛花蹄於錦軺屑沈檀於瓊
樓酒無限於春風艷不歇於仙裘繁華幾何蒲柳
霜天一夢懷瓊就木殘年革床蓐之沉吟臨左右
之妻兒將頰瘁而弗寤顧家督而何事云生有死
贈斂常道禮有時變奢也寧儉凶歸此日思返吾
真衣衾只足以穢尸藉幹馬用床笄宜吾葬之乃
羸土其肥而莫營哀情擗標殮殍諄復父也有命
兒胡不若羅鄧一夕布囊蟬殼夫孰云掩之誠是
謝暴浩於凶坎一壘空之露茵縱酬爾之宿念感
式激於反藁奈人子之終孝槩本羸之吾人旣生

養之有道終亦可慎葬之以禮土不親膚心獨無
校嗚呼古之無聖人其羸也久矣舉委之壑禽獸
奚別遂棺斂之有制舜氏瓦而商聖自天子而庶
人咸送死之無憾何詭異之是尚惑左道之茲甚
是教子而不孝蓋茶毗之一類摘藻頌賢玄晏何
誤黃老于漢退之語是僕如矯世葛溝尚矣揣當
時之冰執情若何於乃子青裘冕於裸壤鞞空言
於祈候然厚葬之弊痼以此論則子優恭棺黃腸
極力營葬珠襦玉匣萬人祖送路瘞之以而標外寧
待日而人有殊不知同歸於盡者媒掘發之禍崇

虎在吳丘冷魂何處鳧出秦山枯骨無語茲所謂
暴尸於丘原反不如一羸葬王孫敢爲銘曰葬可
厚乎葬寧羸也僚幽告終治命却賻沒無求贍寧
侈其死式遵遺占因窆以瘞與物俱化王孫有知
生寄死歸復何舍珠爲

魚腹封齊書

賦

錦波恬而餌香倚暮江之蒼顏一肩高於磯頭明
月鉤而虹竿奚彼魚之腹中孕封齊之帛書天將
降之大任物亦效夫靈符以天下之大老際魴魚
之頰尾慨魚目之混真寧卷術而默智之東海而

遜世侶蟲蛇於幾年業鼓刀而自存齒八十而齠
然望西方兮曷已散暮天之長嘯卒窮因而焉歸
西渭陽而漁釣愜抑謠之幽情閑去來之烟簑引
霜絲於波心得其魚之維何赤玉鱗而盈尺曾叩
額於龍門呬紫荇之穿腮下雪鏹於膾軒纔錦腴
之就割擁籀文之昭晰非禹氏之龜書異帝鴻之
龍圖停刁机而載讀認分茅於青齊天明命之賁
若信真應之不迷將貯蟹之殊徵屬波臣而陰騰
幾久潛於層濤始地朕於今日獵一卜於匪熊俄
後車之霜髮卽佩魚之聲績神夢泣於灌壇三天

下而有二四十國之稱臣逮白魚之入舟集流鳥
之宏勳是以有予賜履帝命食於東溟三十州之
魚益永胙公之雲仍政三月而歸報享南面之至
樂未毫爽於厥理詎非天而誰使蓋異人之間生
例不凡之類是鵠化石於穎相龜顧印於榆貴在
恒人而尚爾矧大賢之崛起肆當日之表徵昭不
掩於厥后瞻彼袞之嵬然舊烟波之釣叟豈非魚
之報耶仍起感於珠濱然無物於理外恐此說之
非真被儀讖之津客亦齊東之野人余寓譏於釣
周夙有聞於風詩滴梅窓之晨露和青蓮之遺詞

戰勝朝廷賦

竊鈇漸而春秋蚌鷓勢之乾坤骸如莽於越楚血
未乾於梁韓胡齊氏之不兵盈捷音於朝廷甲忠
信以來之認無敵之長城國負海而東治三十州
之魚鹽席好施之餘微移緒業於王鈐義有王而
民懷聲四履之雞狗知香草於十步乃整庇於羣
叟修八尺而跌麗有如人之賢者澤順非之介疾
第郊學而待語朝臨鏡而且訊較風儀宁孰與諾
三口之繩美掩標秀於城址暮寢思而且明悟有
補於君德寧斯說之喑無救我王而歸言妾妻容

以混媚蕭艾優於蘭蓀王不幸而類臣孰左右之
淑尤規不瑱於楚耳未夥願而從流上中下之纒
命旋四來之矢陳罔嘉言之攸伏摠王所之蓋臣
羽豐滿而飛高風已震於隣國駿奔走之衣冠燕
趙魏之玉帛咸委南而聽罪費半矢之焉有輸廊
廟之揖讓談笑了兮勅寇即廷上之取雋尊俎間
之千里溢凱歌於金酋顛翳釀於丹祀羞虎將之
語勇謝劍客之游說一善言之興邦香永斷於表
緇緬當年之償諫征伐謀而凝績綠爾謨之則告
格汝士之濟濟膝諸侯之麋至叢倒鞬之夫夫是

衆心之成城信聖言之爲邪則告謨而箴闕宜有
臣於是君廓言路之恢恢夫未中而成軍念勿堯
之者修鮮翳諫而國存昔七旬之格頑禹五聲之
填門肆臚情之風聽亦拜昌之遺意協羣龍之雲
從藏幾年之跋芮入戰國之毀亂徒日尋乎戎事
尚權詐於儀秦誇善陣於臆起顛成侯之能國秉
義經之金矢蔑冠艾於雲仍貴所寶而干戈秦金
間於衆賓私耶栢耶誰歌槩天下之人牧盍識務
而保釐不行王政云爾必曰仁義而已

閉閣思過賦

芻鈴肅而戴星庭抱牒之二人紛目赤而口涕各
揉曲而求伸結課悉於此時奚太守之閉閣痛骨
肉之反唇慚德化之未洽其惟良於百里石二千
之峻秩申孝悌以暇日矢納民於軌物庀生毛於
知月人詠綠於淇園稀琴閣之簿領寂雉庭之闕
喧何不令之仲伯徒利開而義閉闕于墻而不已
虞芮爭於同氣傷風化之莫甚郡率表之焉有不
可難於禽獸寧反求而引咎闕閣門而靜處私自
訟而沉思昔余之約于心予謂羣黎之咸治今余
之臨于一邦奈具爾之相違如吾德之及彼豈渠

惡之若茲既無德而化爾宜敗倫之至斯此所謂
過在一入余豈曰非我民也思無過於有過革有
訟於無訟人固異於木石竟忸怩而相讓朝爭利
之仇敵夕同余之兄弟是治之以不治乃其所以
深治蓋教民之有道德化易於躬先吾猶人而使
無魯仲尼之發敦治不治而反智鄒孟子之毒訓
聖賢沒而孰能韓馮翊也廢幾推赤心而置人閻
良性於既迷訟無言而自決人不刑而覺非漢天
下之當年顧如公者幾箇趙威制於豪強嚴酷烈
而陰鷲不罪人而罪已諒遠越乎俗吏霸何獨以

稱首古於求之亦稀惜縲絏之非罪呼赤子於圓
扉

宇宙一址窓賦

倚首陽之孤竹散一脯於乾坤睽盤遠以上下撫
蘭雪而傷魂奚馬氏之宇宙一址窓而無餘於萬
古之網常環此身而獨居昔爲州而牖民蓋五斗
於折腰歸去來宁山中掃舊屋於雲臯樂容膝之
易安開近址之晴窓一羲皇之上人卧幾年之清
風存三徑之雅趣抱歲寒之冲衿何海鳧之毛長
國如鴻於江南金甌屬於寄奴批李滿於中原獨

一面之柴桑舊松菊之猶存
睽向來之窓下愧皓髮之頽然
卽此間之殷民耻國外之周天
宛尺榻之前朝容十九之漢節
循朝暮而卧起順陰陽以開闔
牖已失于前山靈白日於風雨
誰意宋之天地晉一窓之獨古
人卧窓而自守窓以人而沽名
匪清疏之爲取卧其下者淵明
萬千古之天下誰能出不由戶
其諸異乎此矣所以一於典午
倘人而玉操窓豈有於彼此標
當日之一窓旣節義之掃地晚
吾慕以激昂伯夷後之一人留
自家之圭竇庇抱貞之孤臣蘭
餘香於一夕窓獨閉於千

春月窺櫺之依稀見未死之葵
心宜史氏之書法晉處士曰陶
潛孰無膽於男兒憑虛擡而懷
愁幸戶樞之不媿官文山之小
樓

剖心明皇嗣賦

狐沙亂於鶴禁禍已蔓於曹
廷咸鉗舌而就讞冤欲霜於未
天剖厥心以叫閭彼何人予烈
烈瀉滿腹之忠赤冀厚誣之昭
雪賢時屈於抱關大君子而齒
工執藝事而黜智在幾年之下
風度一職於旂常揭二曜於乾
樞會陰虹之濁陽屬天下於瞻
烏爪日稀於黃臺撫鸞旌而馬
歸幸四海之延頸

耀前星於銅扉倚九人之重耳卜晉氏之興亡何
說佞之太甚誣不軌於元良繫望苑之冠紳生江
充之楚毒爭畏首於夷丹孰忘軀於折白憐無辜
之戾據勢雉經之申生人於是乎抗奮激義膽於
衷情抽寶匣之秋蓮向肺石而大呼曰青宮之異
謀固是理之心無倘不納夫臣言寧割刃以旌信
痕一映於腹中露五內之丹悃不貳心於弘演見
七竅於比干誠既篤於訟寃事忽聞於楓宸宜溫
媪之感悟洞圓扁而釋回波再潤於幼海月重輪
於瑤臺協黃離之元吉轉碧縷之危疑矚金藏之

此舉豈人人之能為豁就蝕之后衷保濱死之皇
嗣况戕身而致忠尤不易於越位出萬隕之丕討
化頑嚚之罔悛衆所謂之難言公獨明其不然蓋
偽周之豺性久司晨於商牝仙李之枝葉恣燕
豕而殆盡少帝幽於房州樹子繼以被構誠大臣
之死時繫羽翼之調護寂鳳鳴於朝陽辨此事於
誰手族胥商而乃爾深愧汝之貂璫徒澤吻而順
旨冒瀝血而自明多是公之石亦可臨亂而托孤
昭君臣之大義復母子之如初爲之工而贍用矣
但在於器造同商顏之四皓埒壺關之三老念南

面於他時賴剖心於此日借臨淄而起兵鋤復振
之產祿扶社稷於机杼奉至尊於心肝其再唐之
宏功弗曰狄而曰安

下車哭驥賦

粵余悲守駿於几毛相天下之玉鼻夫何彼驥之
服箱馬逸足而跟位攀霧鬣而鬼賊淚下車之青
眼匪渠貌之虺虺豈我心之墮墮爾是負圖之神
族作人間之馴龍兼良德與壯力屹馬外兮麟中
霜四玉之飛蹄雲五花之滿身踵翠虬而齊聲追
白魚而同塵斯高感於紫陌響珂月於青雲何才

命之不同謀厄寫遠之嬰跚藏不外之內美辱駢
首於奴隸不知食以千里又何章其後技鳴不通
之深意卧秋郊之瘦骨思春秣於玉山夢寒風於
霜月既失人於知己奈後時於華予屈雄姿之峯
生終困駕於鹽車路天竈之威夷僂虬頭之辟窳
蜷跼顧而不行若將進而載蹶幾若逢其杖策痛
切骨而憊驥澆汗流于彼道空欵斲而馬如羨騰
駕之羸牛愧連蹇於跛驢市消金之不來贖田帛
之誰束力已耗於凌厲勢將歸於銅塵心向人之
窮益婉智識道之猶未暮是舍鼠而用虎亮命世

之良具吁已焉哉何道更展路於熟路未易識於
肉眼荒不才之無異真地用之莫如胡乃棄之至
此驥子驥子德衰其不逢王良造父也夫視九州
之博大何必懷此都也非予哭之而誰時耶命耶
嗚嗚嗟天地萬物之衆獨爾馬之崎嶇盖有之矣
我未之哭歟顧瞻空谷兮皎皎白駒

兩龍負橋 賦科數

開鷄群於半夜路故國而長河截齊浦之鷁首禁
樊口之棹歌踏危橋而凌波未雲雨而何龍兩龍
蛇之能負乃天祐之神功曾當壁於鶴禁之龍樓

之晨昏主七鬯於震帳謂不凶於強吞何虎狼之
秦政淪玉鏡而自帝日蚕食於諸侯齒唇亡之窮
勢屬千狐之為質仍試玉於函關身射牙之一陷
使漸稀於江山月半蝕於蟾宮龜不神於魚籠多
邯鄲之苦顏幾羈思之彌中草自綠兮年年歸不
歸兮王孫速場窻之三宿又靚閤於歸津引長虹
於波心斷石滌之頂春浮層波而欲沒誠陷人之
危機哀無辜之濱死窮獨身兮安婦自我視兮蒼
蒼虫有知於深湫縈脩鬣之後先亘玉甲而劍鯨
石不轉於鞭餘勢甚壯於中流忽亨衢之跨空印

利涉之何難驚飛渡於瞽眼馱龍背之公子將于
金之軀命好此日之行李其為靈也孔昭克知心
方不語倘微尔則其魚余豈視兮蠃蚌默含感於
中心如颺黍兮何能卒獲歸兮危途拜龍顏於彤
庭想當年之奇跡天未忘乎姪丹起水國之波臣
能效力於濟艱事可占於雅此龍九五之將飛矧
有龍於人中國舍是而何為苟懷德而惠民足雪
恥而祚綿一何愚於謀國劍弱秦而強燕歌空悲
於易水壯士愁於寒風責監撫之安在事無及於
堪肖是益泪於憂河果不諒於自敗召公祀之忽

諸赤手虎而誰悔罪反大於忝厥崩不尊之峭址
顧尔龍兮何有盖一時之幸耳鉞印毫而奮藻緇
深惜於千祀

化浦先生遺稿卷之二

化浦先生遺稿卷之二



